

醫西案

吳東陽求是



醫西案



光緒十一年歲次乙
酉編於申江萍寄廬



醫案目錄

以歲月爲序

寶山王杏生茂才令似伏暑陽明經證

王姓婦秋病誤治證

李慎三伏暑證

劉佑年時邪誤成咳血證

朱秀寶熱入血室證

張葵卿腹痛瀉痢證

李桂泉腰痛證

醫案目錄



南京中醫藥大學圖書館版權所有

馬貢三中風證

又令弟婦時邪兼吐衄證

馬貢三寒熱證

顧阿慶霍亂證

椿記棧趙客秋燥證

朱少卿痰火證

金陵呂秋樵孝廉癰閉證

周少愚淋瀝證



南京中醫藥大學圖書館版權所有

南潯張書常觀察傷寒誤治證

吳調梅隣人傷寒誤治證

張浩卿痰中見血證

俞惠齋溫熱證

華韻香痰血證

張惠昌痰血證

楊廷蘭暑邪證

姜巽甫誤服熱藥證



南京中醫藥大學圖書館版權所有
1964

青浦吳有君誤藥兼受暑濕證

馬春源暑邪證

陳友卿三陰久瘧證

室人霍亂證

又補已未歲霍亂證

門人曹絳人時邪證

馬貢三伏暑證

陳聘臣庶常秋令感證



李壽山春溫少陰經證

青浦潘鏡波明經令似乾咳證

張桂亭一家三霍亂證

陳竹坪大善士邀治倪姓童誤藥證

王耀廷痰喘證

寶山人傷寒證

謝松廷令堂中風證

張叔和觀察太夫人中風證



倪珊如喉證

恒人里熱病誤藥證

陳雨田左半偏枯證

山東客墜水汗閉證

黃心莊伏暑誤治證

潘叔儀吐瀉證

陳竹坪大善士邀治嘔吐證



醫案

江陰吳達東暘著

男際昌慧僊編次

門人曹絳人頤伯同校

予向來立方必詳書脈案。究其臟腑經絡。辨其表裏陰陽。以明其證之所在。故方案之頗能切中者。似亦不少。而初未嘗有意存之也。自兒子出遊。閒亦留心醫學。有所疑。輒述以問難。予於答示之外。遇有奇險之證。而獲奇效者。乃錄示一二。茲因二



南京中醫藥大學圖書館版權所

集之刊。欲爲附刊於後。予向謂醫案不過示其治
驗。而醫學究以明理爲先。不能執一爰擇其可存
者四十餘條。並爲發明之。俾知用意所在。觸類旁
通云爾。

寶邑真如鎮王杏生先生。已卯館於海上。聞予治病
多效。特來訪之一見如故。卽訂知交。至庚辰九月三
日。令郎有疾。邀診。病已數日。服藥罔效。余至。見其額
痛如劈。汗出如油。身熱如烙。脣燥口渴。目赤鼻乾。不



寐小便赤。大便瀉。瀉時直噴而出。脈象瀉數。舌無苔。垢。余以爲外邪傳於陽明之經症。惟脈之瀉便之瀉。秋病必夾濕邪。治法先理外邪爲急。用白虎白頭翁湯兩方合參。增入清三焦而滲濕濁之品。詰旦先生至。寓云。病已盡退。且進粥食。求調理方。余以爲外邪暫退。內蘊暑濁。決難驟解。一劑而解者。惟春病有之。況邪在陽明。經進退。其經達於胃腑。粥食早進。邪必復聚。未囑戒食。此乃予之疎忽也。固求方藥。不得已。

以清解之法應之。先生歸。其病果復作。惟頭痛少減。余囑前方加柴胡。預和少陽。佐以黃芩泄其上火。劑而外邪解。惟內蘊暑濕未清。餘熱未淨。便泄未止。但瀉時不似前之噴溢矣。余改方以輕清宣解之法。應變而施。延至旬日。病退而尙未能起。羣疑病後虛症。擬進補藥。先生不能決。乃延淞南世醫張君診。亦視爲伏暑未清。萬不可補。索閱余方。以爲深得治伏暑之法。認路極清。方極穩愜。堅囑迎余一手治愈。余

之得奏全功者。張君之力也。余見時醫見症象錯雜。先以險語動人。預留成則有功。敗則無過之地。豈知病家聞病之險。有力者卽多延醫士。共議方藥。及羣醫旣聚。藏拙者多。卽使有深明症情。別具膽識者。其勢亦不肯違衆力爭。以邀謗議。致症有可治而不治者良多。其無力多延醫士者。聞病之難治。束手待斃者有之。果能察脈觀色。症情雪亮於胸。斷不願故作險語。以亂病家之心。若胸中本無把握。亦不得不以

險語爲護身符也。吁。醫術以濟人爲急。徒思避謗保名。不願深求至理於心安乎。有深悉俗情之友。每以必用權術相勗。余以爲此心偶涉於私。誠恐漸沒其自有之天良也。然耶否耶。

清和里王姓婦。己卯秋病迎診。知其前服苦寒而病殆。余用法挽救。胸發疹痞而平。庚辰七月請診。乃發熱而服痧藥。加以挑刮。忽然大瀉。熱勢極重。詢知腹無疼痛而氣墜。瀉時直射而出。卽書白頭翁湯去川

連加淡芩白芍丹皮通草滑石等一劑瀉止熱退。詰朝乃郎至寓改方調理而安。此症若用治瀉套藥。薑香正氣六和湯等。不明清三焦和少陽泄濕利竅之法。勢必延綿牀席矣。

衣莊李慎三兄庚辰七月請診。病見發熱甚重。而不惡寒。自服蘇梗姜糖而大瀉。脈象沈數有力。右尺獨大。緣是年夏令天無酷熱。汗孔常閉。是以秋病衛鬱其營。而見但熱不寒。與春溫之症相似。然熱甚不渴。

究屬秋病夾濕。與春溫不同。詢其腹不痛而氣墜肛
門瀉時直噴而出。用白頭翁湯。增入二陳。佐以滑石
苡仁之類。因素體有痰濕也。亦一劑而諸恙悉平。明
日卽請調理。夫白頭翁一方。每利於春溫。因春溫發
熱口渴。木火內焚。火先犯肺。大腸爲肺之腑。肺急而
移熱大腸。是以見熱瀉之症。今診秋病。見其但熱而
不惡寒。熱邪亦移入大腸。而用之。佐以滲濕利竅諸
品。究與春病有別。同中實有不同也。予謂習醫者於

